



# Universidad de las Regiones Autónomas de la Costa Caribe Nicaragüense URACCAN

**Tawan sirpi nani satka ailalra pawanka briaia Diplomadoka**

**SMALKANKA IV**

**Tankira tawan wakaia ba**



**Paskan ba: Elizabeth Salomón McCLean**

**Recinto Bilwi, julio 2015**

**Wauhkataya dia dukiara aisiba**

**Ta bila nani**

**Lukanka tara ba**

**Dahra aiska ra laki kaikankar ra**

**Nahki smalkaia ba**

**Bila tanka nani**

**Ta upla**

**Tawan ba**

**Tawan ta upla**

**Tankira ta briaia laka ba**

**Wan tasbaya bara wan kaina kir ba main kaikaia ba**

**Dia bukka nani wina sakan ba**

## **Ta bila nani**

Naha smalkankara marikisa ta upla, tankira ta briaia laka ba, wan tasbaya kaina kahbaia laka ba bara wan kaina kirba sim kaina kahbaia ba tanka nani dukiara ulbanka nani bar aba wina wahbi saki param saki tawan sirpi uplika nani diplomado dimi nani ba luki kaikbia bara baha wal yamni iwanka r ata baikbia ba dukiara.

Kan witin nani ba wan tawanka taura aimakisa bamna aitanisa witin nani ba wan trabilka nani ba laki kaikaia, baku sim wan trabilka nani ba wapni mangkaia.

Naha smalkanka ra yawan kaikbia apiasa la nani bar aba dukiara kna bah aba pat samalkanka wala luwan ba tilara yawan pat lan takansa bamna.

## **Plikanka tara ba**

Tawan sirpi ta bri nani ba karna daukaia tawan ba natka pliki pakanka kasak ra brih waia ba dukiara.

## **Plikanka pali ba**

- Laki kaikaia tawan ba nahki natkara kasak brih impakaia ba wan natka kat.
- Tawan ra karnika yabanka laka kat baku sim daukanka yamni nani wal brih impakaia ba tanka smalkaia.
- Tawan ta uplika nani ba karna daukaia nahki natkara tawan yula kahbaia ba, ta briki diara nani alki daukaia ba, wark nani ridi daukaia ba bara alki daukaia ba ai tasbaya ba kaina sunaia ba mata.
- Natka nani smalkaia nahki natkara pain waiki waia ba dukiara wan tasbaya ba, wan tawanka nani ra wan barrio ka Puerto Cabezas ra bara nani ba sim.
- **Wauhkataya ra dia kaikaia ba aiska tanka**
- **Programika nina:** Tawan pakanka dukiara Diplomadoka.
- **Módulo IV:** Tawan Diplomadoka
- **Turno:** Kakna
- **Pyua:** 40 awar asla, 24 awar wauhtaya aisi kaiki lan taki kabia

- **Awar aiska pali warkka na tilara kabia ba:** 64awar



- **Natka:** Ai wina tara balan kabia

### **Warkka nahi daukbia ba**

Naha moduluka lan takbia asla paski lan takanka natkara kan upika nani airayakara dia lan nani ba aikuki sir muni lan takbia.

1. Dia smalkaia nani ba marikan kabia.
2. Wan rayaka ra dia taki nani ba ra kaiki laki kaikbia bara lan takan kabia.
3. Wark nani daukbia ba tilara kumi bani ba dia sip ba kat ai taimka mangbia bara dia lan ytaki ba wal ai warkka nani dauki lan takbia sa.

#### **IV. Tawan ta brabrina nani ba tanka**

Naha smalkanka na lan takaia kainara aitanisa bila nani yus muni bani ba tanka pain briaia. Baha dukiara taura yawan lan takan kabia di aba tawan ta uplika, satka nai baraba bara kumi bani daukanka ba.

##### **1.1      ¿Dia ba tawan ta uplika?**



Ta upla tanka ba sika upla kum dakni kum tilara diara sut lainkara taura aimaki ba. Wan tila kat laki kaikbia sa kaka upla kum apia kaka dakni kum daukanka sat kum bri ba bara baha wal upla wala nani nina bliki ba ai brinka nani ba alkaia ba mata.

Ta upla nani ba ridi takaia s adiara nani manas tanka briakia sa (sinska laka sinskara kaia sa) taura aimaki waki waia ba dukiara, wark ridi daukanka dukiara lan kaia sa bara wakaia lainkara, pakanka natka pliki lan kaia sa, bara trabil nani bl taki nani ba pura luwaia ba sim lan kaia, wark karna takaia spiritka briakia, bara ai

Iukanka nani ba tawan mawanra param sakaia ba aikui aisi kaikaia, bahamna ta upla kum ba uba kura apia kaia sa.

Ta upla nani ba tawan bila wina bal takisa. Ta upla kaia ba lan takras, pawisa, kuna upla wala nani barasa alki brih pakisa ai ta brinka laka ba bara alki yus muni tawan ba yaban ai nina blikisa. Kuna ta upla kum daukanka ba ai kupia muhtara dia briha wal wark takisa. Ta upla kum dia daukaia luki saki b adiara tara sa kan sipsa tawan kupia Lilia daukaia apia kaka tawan ba brih rumhkaia ai tasbaya ba sim.

Ta upla kasak kum kaia sa kaka ai uplika nani aikuki kasak aisi ai tanka briakaia sa, ta upla aimakaia brinka brikaia, kuna tataibra apia kaia. Wan ta uplika kum bui ridi daukan kaia sa, taura ta upla kum wina lan takan kaia sa.

Ta upla kaia ba ispara kum malka wal bri ba baku sa, sipsa Gandhi kum kaia apia kaka Hitler baku kaia. Tawan kum trabil apu diara sut ba la kat sa kaka, nit apia sa ta upla kum briaia, kan upla sut ba nusa dia daukaia ba. Kau taura yamni kabia ta upla dakni kum bribia kan baha nani ba sipsa baha nani ba tawan ba kupia kumi lakara bih impakaia, wark nani ba pura kaika waia bara wark nani ba ani kat wapi ba laiki kaikaia. Ani tawanka nanira trabil ailal bara nanira ta upla apusa pyuara trabil pali sa anira waia apu pitka kaikisa. Aguilar Sánchez & all (2006)

Ta upla tanka ba sika yarka upla nani ba wan nina blikbia baku sim ta baikaia tawan uplika nani ba wark karna takbia ai brinka nnai ba alkaia ba mata.

Ta upla kaia ba tanka ba sipsa ta upla dakni kum kaia, apia kaka sipsa upla kum daukanka ba taka upla kulkanka bri uplika kum kaia. Tani walara kaikaia sipsa ta upla kum ba sipsa diara kum sim ta briras kaia kuna tawan bui kulkanka tara yabiba (sins laka tanka brabriria). Baku sim sipsa kampani kum kra diara raya nani daukan ba taka sut ta palira aimakan ba.

## 1.2 Ta uplika nani satka nani ba:



Arieu bila ta upla ba upla nanira yarka dia daukaia pliki ba tilara dimaia ba".

Bahamna aitanisa asla takanka nani ba diara tara nani alkaia plikbia baha wal ta upla nani ba ai warkka brih impakbbia ba dukiara.

Ta upla kum ai warkka ba kasak daukaia sa kaka aiulbra manas ba naku lukisa man ta upla sma kaka upla nani b aman pliskam ra mangpara ban sakuna man upla nani ba pliskara aimaks. Ta upla nani ba satka manas ra aiwarkka daukisa:

**Ta upla ban wina aisubiba.-** Bahaba upla kum ban wina ta upla baku bal taki b adiara kum takuia ninkara, witin uplara adar lakisa.

**Ta kaina wina bara ba.-** Bahaba ta upla kum wahbiakan ba apia kaka ta uplika nani tilara ba patitara wina, sipsa King nani laka bilara apia kaka pamali kampanika kum tilara takaia, bahara sipsa almuka nani bui karnika ba yaban kaia, bankra

luhpa almuka ba taka), naku taim uplika b ata upla kaia sip apia kabia sim mangkisa.

**Ta upla kum witin baman ai dahra wali ba.-** Diara sut ba witin baman adar yabisa, upla walara diara makabi walras, pyua manas ra pain takisa kuna pyua wala nnaira diara ran nani daukisa kan upla nani diara kasak wiaia kata ba uplara walras ba mita.

**Tawanra wali ta uplika ba.-** Ta upla kum ai tawankara pas wali ninkara diara dauki nani ba.

**Ta upla pri laka yabi ba.-** Bah ata uplika nani ba sans yabisa ai uplika nanira baha wal ai uplika nani ba kau karna takisa.

**Ta upla mawan param nani ba.-** Baha nani sika ai daukanka ba wal upla nani yaban witinra nina blikisa, witin aiwinara kasak kulkanka yabisa. Naha uplika nani ba kaikaia sipsa pulitik upkika nani, serts nani, kampani nani, Adolf Hitler baku, Mahatma Gandhi, Papa Juan Pablo II, witin nani ai daukanka wal upla manas yaban ai nina blikan.

Ta upla satka wala nani

**Politik ta uplika nani:-** Upla kum tawan ba bui wahbi saki ba ai tabribia ba dukiara, tenas ba Pericles wahbiakan.

**Serts ta uplika nani.-** Baha nani ba prias watla kum ta brisa apia kaka prias watla ailal nani ta brisa.



**Twan ta bri nani ba.-**

Tawan nikbanka kum ta bri ba, upla wala nani ba witin nani ba nina blikisa bankra wan kaina kir ba yamni briaia lukanka, politik lalinkara asla kaia ba dukiara.

**Kampani nani ta uplika nani.-** Kampani ta brabrira nani, upla kum negocio nani dauki ba wal tawan uplika nnai bui kulkanka yabi ba

## **Ta upla nani satka nani ba**



**La kat iwiba:** Upla kum la kat iwi ba, baha ba ta upla kum kasak kaia ba yabalka sa. Ya nani kupia pihni nani ba baman bara rait laka ba bri nani ba upla nani respekka brisa, baku sim upla nani nina blikisa.

**Klin puli ba:** Bah aba upla kum la kat ba sait kumi ra sim driuras ba. Witin nani ba upla kum ra tara kulkras sa, sut ba sim sat kaikisa.

**Upla nanira latuan kaikisa:** Kau yamni sa upla maihsa nikaia lawi daukaia kainara. Ni uplika nani ai uplika ra latuansa kaka kau isi sa upla nani witin nina blikbia. Ta upla kum ba diara nani ba pain laki kaikaia sa.

### **1.3 Tawan uplika kaia ba**

Tawan kaia wiba tanka sika tawan sirpi kum wina kaia ba bara tawan tanka ba lika upla nani tawan kum bilara nani ba. Tawan sirpi kum bilara sut ba asla iwisa, ai tawa nka ra latuan sa baku sim lata uplika nani ba baku kaikisa.

#### 1.4      **Tawan sirpi ta uplika ba**



Tawan sirpi kum ta uplika ba ai tawanka uplika nani aikuki wark takisa, diara nani sens munras sakuna tilara dimi sens munisa.

Tawan sirpi kum ta uplika kaia kaka, uplara wawalra kaiasa, diara nanni ba pain luki kaiki kaia baku sim bawan laka.

## **II. Tawan bara uplika nani trabil apu iwaia ba**



Naha dukiara aisaias sa kaka aitanisa Nicaragua laka tara ra waia sapta II tawan uplika raitka dukiara aisiba kaikaia arto 61. Estado ba ai warkka sa Nicaragua luhpia kumi bani ba sibrin luha iwbia, baha tanka ba estado ba la nani paskaiasa tawan uplika nani ba sibrin laka luha iwbia ba dukiara.

¿Dia tanka brisa tawan bara uplika nani ba sibrin luha iwaia ba dias?

Baha tanka sika upla kum sibrin apu pri akara iwi ba tanka. Upla raitka kum sa arto 25 Constitución Política de Nicaragua ra, 3 del Pacto Internacional de Derechos Civiles y Políticos de Naciones Unidas, y la Declaración de la OEA en Montrouis.

## **Trabil apu iwaia ba dia nani wal prakisa**

Tawan kum pri laka apuba sika: Droga atki ba bara yus muni ba, pandillas, rau munanka laka utla bilara, implikanka laka, daiwan implikanka laka, yabal nanira trabil nani bar aba, implikanka, insauhkanka, bank ra implikanka ba, tawan lalahka implianka, ban ban.

## **Nicaraguara tawan pri laka ra iwras trabilka nani ba**

- ❖ Droga atki bara yus muni ba sim.
- ❖ Pandillas
- ❖ Utla bilara rau sauhkanka ba
- ❖ Implikanka nani
- ❖ Yabal accidentka
- ❖ Diwan implikanka
- ❖ Upla ikanka
- ❖ Latuan yabanka
- ❖ Rau muni impliki ba
- ❖ Insauhkan ka
- ❖ Yukuwi diara nani atki ba.
- ❖ Tawan lalahka impliki ba.

## ¿Dia ba tawan pri lakara iwaia ba?



Baha ba tawan kum trabil apu ai rayakara iwi ba, ai nitka nani plii saki iwaia ba. Pawanka ba upla sut pali briaia sa. Baha tilara barasa lalah lainkara, plun aitani briaia ba, wina tara yamnika, wan tnaya kir yamni briaia ba, pulitik lainkara, la nani ba sim.

## Tawan pri lakara iwaia bara tawan uplika yamni iwaia ba wal

Tawan uplika nani yamni iwaia laka ba kau diara tara sa bara pawanka wal wilkansa – Nit kan Programa de las Naciones Unidas para el Desarrollo (PNUD), pawanka dukiara 1993 bara 1994 wal dukiara baku aisia.

### **¿Tawan yamni iwaia ba ya uplika nani tilara sa?**

Baha tilara kaikaia sipsa upla aiska pali Nicaragua iwi nani ba, ya trabil diman nani ba sim, upla Saura nani sim baku sim rausasauhkra nani ba sim, kan upla sut ba ai raitka brisa kaina kahbaia.

### **Tawan uplika nani yamni iwaia warkka ba ya mihtara sa?**

Kuntri apiska nani, alcaldías, empresa privada, turi twatuilkra, gabamint wina apia daknika nani. Tawan ba sim ai warkka brisa bahara. Sampla: Ministerio de Gobernación, Ministerio de la Familia, Ministerio de Educación, Ministerio de Salud, Ministerio de Relaciones Exteriores, Instituto Nicaragüense de la Mujer, Instituto Nacional de Juventud y Deportes, Secretaría de la Juventud, Policía Nacional, Poder Judicial, Asamblea Nacional, Dirección General de Migración y Extranjería, Sistema Penitenciario, Dirección de Bomberos, y Consejo Nacional de Lucha contra las Drogas.

Alcaldías nani ba wark tara brisa kan tawan lamara sa bamna, bara tawan ba wal asla taki naha warkka nani daukaia sa.



## **¿Ya nani ba naha helpka briaia?**

Tawan uplia nani kan naha wal sipsa upla nani ba airayaka kau yamni briaia.

Tawan apiska nani ba, asla lakara naha warkka daukbiaaka naha warkka ba kau karna takaia sipsa.

Tuktan nani, baha wal sipsa trabil manas wina suaki sakaia.

Mairin nani, **tuktan mairin nani, tira, wahma, witin nani raitka yabia sa kaka sipsa witin nanira rausauhkanka manas ba pura luwaia.**

Pamali nani, kan iwanka yamni brih kaia laka ba sipsa laman laka briaia.

**Empresa privada**, baha wal sipsa lalah warkka nani brih balaia sibrinka apu lakara.

**Gobiernos municipales**, baha wal kau karna takisa bara tawan pawanka laka alkisa.

**Policía Nacional**, pawanka laka alkisa, tawan polis wal asla lakara iwaia ba pakisa.

## **¿Tawan main kaikanka laka b aba dia lukisa?**

- ❖ Estado ba ai warkka sa tawan ba main kaikaia Nicaragua aiskara
- ❖ Tawan naha warkka tilara dimaia ba aitani sa
- ❖ Tawan man kaikaia laka ba la nani bui ta baikaia sa.
- ❖ TTawan raitka nani ba kulkanka yabaia ba.
- ❖ Ruk laka nani ba pura luwaia.

- ❖ Mairin nani ba sim raitka aiska yabaia ba.
- ❖ Tuktan nani raitka ba yabaia ba.
- ❖ Tawan tara bara tawan sirpi nani uplika wal asla iwaia ba.
- ❖ Daknni sut ba wala nani wal asla wark daukaia ba
- ❖ Apis nani sut ba pana pana ai maihsa wilki wark daukaia ba.
- ❖ Tawan sirpi bilara trabil nani ba pura luwaia ba.
- ❖ Tawan polis wal asla iwaia ba ta baikaia.
- ❖ Turi tuilki uplia nai ba sim wark tara brisa.

**¿Dia taka upla nani ba droga yus munisa?**

Kan droga atkaia pliska ailal palisa bamna. Tawan uplia ba ailaka manas pali



sauhkan sa bamna upla manas ba droga yus munaia plikisa, pana nani ba bui yaban upla nani na ha trabilka tilara dimisa, skul watla nanira, wahma nani rayakara diara wala daukaia apusa. Wark apu, umpira laka, televison, Internet control apu kaiki ba.

2002 mankara ani tawanka nani kau droga atkaia pliska bri sika Managua, RAAS, RAAN, León, Carazo, Jinotega, Estelí, Rivas, Chinandega y Matagalpa. Managua ra kau droga atlaia pliska bri nani ba Distrito, ninkara Dos, Tres bara Seis; León ra kau cocaína yus munisa, Managua bara RAAS sim.

### **¿Droga pura luwaia kaka dia ba taura daukaia sa?**

Droga atkaia pliska nani ba apusa kaka na ha trabilka nani ba kau mayara iwaia sipsa. Bamna aitani kabia na ha pliska nani ba mapar kaia.

## **¿Dia daukaia sipsa droga pura luwaia sa kaka?**

- ❖ Yarka tuktan nani ba droga ra dimaia apia.
- ❖ Turi tuilki uplika nani ba ai warkka manas daukaia sa.
- ❖ Wahma nani ra sanska wala nani yabaia, pulanka nani sanska yabaia.
- ❖ Tuktan nani ba aikuki wark dauki kaia.
- ❖ Yus mamunra nani ba sika yabi trabilka wina saki tawanra dingkaia.
- ❖ Wark nani wahma nani drogara dimbia apia dukiara dauki ba pura kaiki kaia.
- ❖ Policía Nacional ba aiwarkka kau karna dauki waia sa grog aba mapara.

## **Wahma nani pandilla trabilka daukiba dia wina bal takisa**

Trabilka na takisa kan wahma nani ba aidahra walisa upla nani ba bui tnayara saki swinsa, pana nani bui baha trabilka nani tilara dimisa, utla bilara rausauhkan manas tilara iwisa, skul wina takan, anira pulaia pliska apu, watla bilara wark apu.

174 pandillas nani wan kuntrika bilara varaba wina, 58% ba Managua bilara sa, Masaya 14%, Chinandega 11%, Estelí 8%, Jinotega 5% bara Matagalpa wal ba



Granada 2% kuna Leon isti pali pura ra uli wisa.

## **¿Nahki sipsa pandilla trabilka ba pura luwaia?**

- ❖ Trai munaia wahma nani ba kli tawan tilara dingkaia, pamali nani ba kau asla iwaia, baku sim smalkaia nahki bawira kaia ba yamni ba tanka, bara trabil nanni bnkra takbia sa kaka aisi wan tanka briaia.
- ❖ Pulanka satka nani pliki wahma nani baha tilara dingkaia, skul sim tawan sirpi nanira yabia pandilla trabilka wina laiura takaia ba dukiara.
- ❖ Wahma nani pandilla tilara nani ba ba ridi daukaia tawan tilara kli dingkaia ba dukiara muni sim, skulra kli brih waia, pulanka nani tilara sim.
- ❖ Wahma nani pandillas ra dimaia sip nani ba baku sim la uplika nnai aikuki trabil bri nani ba laki kaikaia kli tawan ra dingkaia ba dukiara.
- ❖ Wahma nani pandillas ra dimaia sip nani baku sim la uplika nani wal trabil bri nani ba aisika yaptika nani ba sut aiuki natka plikaia nahki natkara kli tawan rayaka ra dimaia warkka tawan wala nanira dauki ba kaiki baha satka warkka dauki wan wahmika nani help munaia.
- ❖ Wahma tiara nani pandillas trabilka wina takan nani ba kampani nani mihtara mangkaia ai rayaka taura brih waia ba dukiara.
- ❖ Wahma nai ba ridi daukaia nahki kampani nani ta briaia lankara.
- ❖ Kampani kuarika nani ba wahma nani pawaia pliki nani ba ta baikaia warkka tilara dingkaia.



## **Utl bilara rau sauhkanka ba dia wina balisa**



Utl bilara rausauhkanka laka b adiara manas wina balisa kuna kumka ba sika waitna ba wark apu kuna maya mairin ba lika wark takisa, pamali tara, waru, droga, droga atkaia liska uba ailal. Diara raya kum wan tawanka bilara wapni daukaia tai munaia ba sika utla bilara rau sayhkanka laka bara nani ba dusa kuhbaia sa bara la mawanra bri waia sa. Naha sat trabilka nani ba trabil aiska kuntri bilara tai ba wina 20% nani sa.

### **¿Dia daukaia sipsa rausauhkanka laka bara Saura munanka laka ba wal?**

- ❖ Trai munaia iwanka natka wala kum paski brih waia, Saura munanka luha, lamni laka ni ai bangbia, bara upla nani aimaya nani wal asla lakara, latuan lakara iwbia.
- ❖ Trabil laka nani ba sut ba aisi wan tanka briaia natka yamni kum yus munaia.

- ❖ Skul smalkanka tilara utla bilara rausauhkanka laka apu dukiara smalkan kabia, skul watla nanira bara tawan bilara sim.
- ❖ Utla bilara rau sauhkanka bal tikisa minitkara isti pali kaikaia, bara la uplika nnaira numunaia salud uplika nanira, skul uplika, la uplika, policía nacional, MIFAMILIA, bara wala wala nani.
- ❖ Skul watlara maistru nani ba wal ani pyuara skul tuktan kum rayakara rau sauhkanka bar asa kaka isti nutakaia natka ridi daukan kaia sa.
- ❖ Upla nani rau sauhkanka brisa kaka yamnisa help munaia kau pali ba tuktan mairin, tiara bara mairin almuk nani.
- ❖ Mairin nani rau sauhkanka lakara iwi nani ba help munaia warka dauki ba kau karna daukaia trai munaia.

**❖ Dia taka aksidint manas pali taki**

Baha tilara barasa yabalra taukaia dukiara aitani lan api aba, ai raitka pain kaikras yabalra truk uliba, ani pyua luwi waia ba pain daukras, , ai ninara waia taim pain kaikras, ani taim takaskaia ba pain kairas, uba truk karna uliba, yabal sainka nani ba pain kaikras, upla nani ban yabal bilara tauki ba, pain waki lan apia, bara bla laka.

Yabal tara nani tawan bilak luwi ba, upla nani ba yabal bilak wapi babus nani ba anira takaskaia want ba takaskisa kuna witin nai ai pliska briba rispik munras, truk tara nani, carga trukka nai ba sim truk siri nani aikuki aska taukisa, , bailsikil nani ba truk nani yabalkara dimis, lait apu, yabal ba sain pain nai apu.

Aksident nnai ba ailal pali takisa, 1997 wina 2001 ba kat 33% (10424/13829), pruwan nani ba 21% (439/532) insauhkan nai ba 21% (3441/4172), 1998 – 2001 bilkara sut bara 56,732 accidentes takan.



Laki kaikbia sa kaka 2001, Managua ba el 65% ninkara León 7%, Chinandega 5%, Matagalpa bara Masaya 4%, Estelí bara Granada 2%. Pruwan nai ba kaikbia sak ka, Managua (158), ninkara Matagalpa (52), ba wina León (46),

### **Aksident trabilka ba dia daukia sa**



- ❖ Ani trk wawakra nani ba la kat waki nani ba kaikaia sa

- ❖ Pulis nani lalah mana yaban truk aiulra nani la kriki nani ba laki kaiakia
- ❖ Skul bilara truk ulaia laka ba laki kaikaia
- ❖ Aksident nani ba pura luwaia, baha tilara pulis wihki tawan ba wal dimaia sa
- ❖ Smalkanka manas daukaia sa bilka ailalra.

### **¿Implikana laka ba dia wina balisa?**

Aisa nani ba wapni lakara iwras sa pyuara sipsa luhpia nnai ba sim ai implikrira takaia, pan saura, droga, waru, skul wina lauhra sa kaka, wark takras sa kaka.

Plis nani kau naha trabilka bri nani ba 2001ra Managua, Matagalpa, Estelí, Chinandega, León, Chontales, Boaco, RAAS, Jinotega, y Masaya.



### **Implikanka laka ba dia daukaia**



- ❖ Tawan ba smalkaiasa implikanka trabilka ba dukiara.
- ❖ Implikanka pura luwaia natka ba smalkaia natka sura.
- ❖ Pulis bara tawan uplika nani aikuki asla wark takaia sa.

### **Turi kuakuahkra nani ba sim wark brisa implianka trabilka lainkara**

- ❖ Tawan trabil apu iwaia dukiara aisanka manas daukaia sa.
- ❖ Twan ra trabil muni dukia nani ba aisaiia.
- ❖ Aisanka nani daukaia sa naha trabilka na dukiara
- ❖ Pulis bara tawan ba wal kau asla iwaiasa trabil nani ba pura luwaia sa kaka.
- ❖ Pulis warkka ba pura kaikaia upla raitka nani ba yabisa sapa.

**Upla nani pain yus munras sa kaka trabil manas barasa tawan mapara?**



Arma nani ba taka trabil nani manas bal taisa tawan uplika nani mapara. 2001, mankara 140 tausin armas tawan uplika mihtara kan 69,157 ba wauhtaya brisa 70,843 nani ba wauhtaya apu brih taukisa, bah aba wan marikisa trabil tara kum sa wan tilara.

Managua ra baman 24096, León (7919), Chontales (5418), Matagalpa (4774), Estelí (3367), Zelaya Central (3031), Jinotega (2705), Chinandega (2329), Carazo (2119) y, Granada (2012).

**¿Wan la wauhkatya nanira aisia ki tawan ba trabil wina luha iwaia raitka ba dukiara?**

Au barasa, kau pali ba drogas, pandillas, utla bilara trabilka nani, implikan laka,



aksident, kuna wan la tarkara aisia, la tara wala nnaira, Códigos, Leyes Orgánicas, Leyes ordinarias, Reglamentos, Normativas, bara Tratados, bara sain munanka wala nanira sim Nicaragua ra.

Wan la tarara aisia tawan luhpika nnai ba trabil apu iwaia sa, upla kumi bani raitka tilara. Wala ba aisia upla sut ba raitka brisa trabil luha iwaia baha sika tasba aiska uplika raitka ulbiakan ra aisia. Kau pali ba Art. 46, Cn.

Nicaragua ba 12 mani nani aitaimka mangkisa nahe dukia nani ba karna dauki waia dukiara, baha dukiara sakanksa, Código de la Niñez y la Adolescencia, Ley de la Policía Nacional, Ley de Procedimiento, Organización, y Competencia del Poder Ejecutivo, Reformas y Adiciones al Código Penal, Nuevo Código Procesal Penal,

Nueva Ley de Tránsito etc., kuna la manas nani barasa almuk palisa kuna kau laki kaikras wan taimka nitka nani na wal. Kan diara raya nani wan kuntrika bara tasba aiska ra taki nani ba wal nit sa laki kaiki raya daukaia.

**¿Tawan uplika trabil apu iwaia ba wihki kuntri ba kaina sunaia ba wal diara wala sa ki?**

Kuntri main kaikaia ba sika kuntri ba sait wina kuntrika nani wina kaina kahbi krikaia ba. Ba tanka sika wan kuntrika tasbaya uplika nani, raitka, wan walka nani wal asla ra iwaia ba sim, baku sim ai apiska nnai ba main kaikaia ai laka nani bara tasbaya piarkika ba main kaikaia sim.

**Tawan rul munanka ba.**

Naha dukiara aisai a kainara taura kaikaia sa tanka brabriria apia kaka naha satka dukiara stadi mamaunra nani dia wiba tawan rul munaka dukiara.

### **3.1 Gobernabilidad (rul munanka ba)**



Aguilar Sánchez & all (2006) gobernabilidad la nani natka nani tawan kum bilara yus muni ba asla iwaia ba dukiara.

Gobernabilidad democrática tanka ba lika asla lakara pana pana rul muni waia laka ba.

Indian nani tilara naha ba kaikanka ba sika tasba ba bara indian daknia sut ba kumi kaikisa, gobernabilidad territorial wi taim ba wark nani la kat ridi dauki waki ba

wan tasbaya. Indian rayakara diara sut ba kumira kulkisa sip saitra saki kaikras. Bamna nitka tara brisa naha tasbaya ba wapni daukaiaba mark muni briaia bara tasbaya ba pakaia ai uplika aikuki.

La gobernabilidad indígena se basa en la interacción con la naturaleza y en la interacción entre personas en función del buen vivir y de la vida digna de todos los miembros de la comunidad.

La gobernabilidad indígena ba sika indian nani tasba bar adiara nani kir briba aikuki asla iwiba tanka, bara indian luknaka ba sika dakni baku kaikisa kumi bani apia (2006)



### **Kuntri raya nani ra tawan rul munanka ba.**

Gobernabilidad y gobernanza ba lika ai tawanka nahki waki waia ba dukiara aisia. Naha tasbaya nani ba sens manas nani taki auya diara raya paski ba wal, pawanka nani alki ba wal, baku sim tawan uplika nnai ba daukan wala nani alki

auya ai rayaka nanira baha mita aitanisa naha dukia nani ba pain laki kaiki waia, baha tilara upla nani ba ai wina kat kaikisa.



Naha taka rul munanka laka ba dukiara kasak laki kaikisa Jean Leca aisi ba baku:

1. Modelo keynesiano ba mahka trabil nanira diman taim bal takan.
2. Globalización bal takan ba wal.
3. Kuntri tawan wal trabil bri ba wal.
4. Tawan uplika nanni daukanka sat wala taki ba taka.
5. Dakni nani ai aiklabanka wal lukanka wala wala saki ba taka.
6. Wan lukanka bara daukanka satka satka taki ba wina..

Gobernabilidad ba wal yawan nanra tanka briaia wantsa gabamint bara tawan uplika nani wal nahki lakara iwiba. Wala nani aisia naha ba dakni nani nahki klauna rul munaia ba tanka, lalah lainkara, pulitik lainkara nahki klauna waki waki waia ba tanka. Nahki natkara naha ba impaki ba kaiki waia sipba: 1) Tawan bui

mangkan sa ki, 2) Dakni aiska ninara aimakisa ki, 3) Ai uplika nani mawanra ai rispikka ani kat brisa ki 4) Ani kat tawan kupia laka yabiba.

Aguilar bila ba naku baiki sakankaiasa:

1. Gobernabilidad ba gobierno baman apia kau tarasa.
2. Apis nani ba dukiara aisaras sa.
3. Asla laka diara nani paski waia b adiara tara sa naha tilara
4. Diara sut wal wilkanka manas brisa.
5. Gobernar tanka ba tawan kupia laka kat wakaia.
6. Lata kuntri tani nahki wan kaiki ba sim diara tara sa.
7. Tura tuilki uplika nani ba sim wark tara brisa.
8. Wan iwanka natka wan daukanka nain ba sim tara kulkisa.
9. Tawan luhpika kumi bani ba kulkisa naha warkka tara ra.

Kuna naha taimka raya nanira estado mapara trabil munisa wan tasbaya nani ba yamni lakara rul munaia ¿Nahki rul munaia sa kasak lakara? Naha tilara gobernanza ba bal takisa baha sika natka yamni nanira wan tawanka daknika uplika nani waki waia ba. La gobernanza tanka wapni, wakanka yamni klauna lakara.

¿Naha taimka raya nanira nahki yamni wakaia sa ki? Prua manas ra gamint nani ba ai tanka breiras munisa nahki wakaia ba, lalah ba nahki rul munaia ba, ta waki uplika warkka ba sim pain laki aikras. Gobiernoba nanara yakan apiasa, kan dakni nani barasa tawan bilara baku sim dakni latara nani ba sim tawan rayakara dimisa. Naha pyua nanira rul munaia ba aitanisa wilkanka manas brikaia, ta briaia, tilara dmaia, lan dadaukra sim.

## Gobernanza: tanka nani



Bahara kaikisa ani kat diara nani ba la kat wapisa sapa, nitka nani wihki ansika nani yabi ba, gobernanza ba gobierno warkka baku kaisa (Loyo 2002:2) “(a) la nani mangki briba rul munaia apis nani, ani kat kumi bani ai warkka briba” (Elena Martínez, Directora del Buró de América Latina y el Caribe del incentivos PNUD, en Prats 2001:119). Nahara kaikisa lukanka manas bar asa. Ulbanka nanira natka kasak kumi sim apusa wan America Latinara nahki gabamint nani ai warkka daukaia ba dukiara baha mita kuntri kum wina kunri walara lukanka bara daukanka nani ba sat walasa, kan stadi muni kaiki ba tilara sip sakras s adiara satka kumi baman, sut ba natka sat sat brisa nahki ai tawanka rul muni waia ba tanka.

Aiulbra manas aisia gabernanza ba triti nani ulbi saki ba, baha dukiara tawan uplika nani wal pain aisi sakisa dia pali tawan brinka briba ai yamnika iwanka dukiara, la kat naha warkka nani dauki waia ba dukiara, tawan bbui laki kaiki ba tawan kupia laka daukaia ba mata. (Celedón y Orellana 2003).

Gobernanza ba wisa gobernar muni wihki gobernados, wibia sa kaka ya nani taura aimaki rul muni ba wihki yaura rul muni nani ba wal aisi ai tanka briaia muni ba,



trabil nani ba pura luwi  
diara yamni nani paki  
pawanka alki ba  
tawanka helpka ba  
dukiara.

Rul munaia dukiara dia  
nnai kaikaia ba

❖ La kat wapaia  
laka ba, tawan ba dia  
nit ba klauna laki

kaikisa, tawanra sanska yabisa ai naitka nani ba pura luwaia.

- ❖ Umpira laka ba pura luwaia dukiara wark nani bukisa, tawan ritska ba tawan uplika nani mihtara mangki ba, wark nani buki ba, baku sim sans nani ba sut ra yai ba.
- ❖ Wan ritska nani ba kaina kahbaia, bara yarka dan munaia apia.
- ❖ Tasba ba dawanka nanira yabaia bara upla sut ba baha raitka yabaia.
- ❖ Taim nani sens taki ba wal lan takaia.

#### **IV. Tasba bara wan ritska kaina kahbaia ba**

Wan tasbaya ba mainkaikaia dukiara aisi taim aisia wan almuka nani dukiara wan iwanka natka dukiara, tawan dawanka kuira aisia patitara wina tasbayara iwi ba dukiara aisia, kan tasba ba uplika nnai ba wal kumi kulkanksa baku ai dahra walisa baku sim iwisa bamna.

## **Kaina kahbanka ba**

Baha sika wan ritska nnai ba kaina sunaia, daiwan nani upla nani bara iwi ba sim, kan yawan bahara iwisa bamna ni tapia sa rau sauhkaia. Baha mita aitani laki kaikaia dia muni aitanisa main kaikaia ba. Kuna tasba main kaiki ba wal yawan diara kum win takisa ki. Tasba trabilka ba sika Nicaragua baman apia ban sakuna tasba iskara indian nani ai tasbaya dukiara aiklabisa pyua bani ra.

## **Indian tasbaya ba tanka**



Aguilar, bila indian wihki ai tasbaya ba kumi sa. "Tasba ba plis kum baman apia. Wan tasbaya ba sika indian nani iwi tasbaya, rayaka yabiba, bah aba wan lukanka, iwanka asla lakara pyua luwanba wina kulki aula ba, bahamna yawan sat walasa kuna kumi.

Wan tasbaya ba wan rayaka sa, bamna sayhkanka sut wina kaina kahbaia sa kan baha wina yawan wan helpka saki raya iwisa pyua sut ra.

## Diaba kaina kir?



**Kaina kir tanka ba sika.** Rayaka aiska baha pliskara sahwi helpka laka wanki ba, ritska nani aiska baha wina help saki raya iwiba baku sim sut asla lakara iwiba, bara baha wina raya iwiba kumi bani.

Bahara sika upla nani iwi ba bara pana pana ai walka aikuki help laka saki raya iwi ba. Kuna pliska na upla baman iwras diara ailal nahara ai watla brisa.

Wan kuntri b adiara ritska ailal pali brisa. Baha sika wan ritska, wan kuntri sipsa tankira yus muni wan helpka sakai. Wan damika nani ba tankira yus munan bamna naiwa kat kau baha dukia nani tiwras barasa help wankisa sim.

## **Bibliografía**

Constitución Política de Nicaragua

PNUD 2002 Diagnóstico de Seguridad Ciudadana en Nicaragua.

UNAM. Artículo sobre la diferencia entre Gobernanza y gobernabilidad

Mayorga, F. & Córdova, E., 2007, “Gobernabilidad y Gobernanza en América Latina”, Ginebra.

Aguilar, O & Augusta, Vega., 2006, "Territorialidad y Gobernanza Indígena.